



Broj: 02-11-12109-2/22
Zenica, 20.07.2022. godine

Na osnovu člana 68. stav 4. tačka i) i člana 70. stav 3. Zakona o javnim nabavkama («Službeni glasnik BiH», broj: 39/14), na prijedlog Službe kabineta Gradonačelnika, Gradonačelnik grada Zenica donosi:

ODLUKU

o izboru najpovoljnijeg ponuđača za nabavku radnih vatrogasnih uniformi

Po provedenom otvorenom postupku za nabavku radnih vatrogasnih uniformi, objavljenog na portalu javnih nabavki, broj: 1355-1-1-181-3-101/22 od 14.06.2022. godine, za najpovoljnijeg ponuđača izabran je:

“ZENKO” d.o.o. Zenica

O b r a z l o ž e n j e

Po provedenom otvorenom postupku za nabavku radnih vatrogasnih uniformi učestvovali su sljedeći ponuđači:

1. „USLUŽNOST“ d.o.o. Sarajevo
2. „EURO VEZ“ d.o.o. Jelah
3. „ZENKO“ d.o.o. Zenica

Ponude ponuđača „USLUŽNOST“ d.o.o. Sarajevo i „EURO VEZ“ d.o.o. Jelah ne ispunjavaju uslove koji su zahtijevani u Tenderskoj dokumentaciji.

Dostavljeni uzorci ponuđača „USLUŽNOST“ d.o.o. Sarajevo ne ispunjavaju uslove iz sljedećih razloga:

- Na rukavu košulje nedostaju spojke koje se završavaju rupicom, te sa lica rukava nedostaje dugme koje pridrži rukav u ljetnom periodu i tako daje utisak kratkog rukava.
- Na radnom kombinezonu, na sredini lijevog džepa na prsima nedostaje elastična čičak traka za koju se kači oznaka funkcije.
- Na pantalonama oko pojasa ušiven je potreban broj držača za remen čija je širina 1,1 cm, a ne 6cm kako je zahtjevano tenderskom dokumentacijom.

Shodno navedenom uzorak ne ispunjava uslove propisane Aneksom 2 tenderske dokumentacije u dijelu opisa robe, stoga se ponuda odbacuje u skladu sa članom 68. stav 4) tačka i) Zakona o javnim nabavkama.



Dostavljeni uzorci ponuđača „EURO-VEZ“ d.o.o. Jelah ne ispunjavaju uslove iz sljedećih razloga:

- Na sredini leđnog dijela košulje od šavova prema dolje izrađena je jedna dupla faltna dužine 28 cm, dok je tenderskom dokumentacijom zahtjevana dužina od 30 cm.
- Na pantalonama s lijeve i desne strane u visini natkoljenice ušivena su dva harmonika džepa sa poklopcima koji se kopčaju dugmetom, a ne kopčama kako je propisano tenderskom dokumentacijom. Također, otraga su dva džepa s preklopom koji se kopčaju dugmetom, a ne kopčom kako je zahtjevano. Dalje, na pantalonama oko pojasa ušiven je potreban broj držača za remen čija je širina 1,7 cm, a ne 6cm kako je zahtjevano tenderskom dokumentacijom.
- Kada je u pitanju uzorak za bluzu, rukavi su izrađeni iz dva dijela, a na krajevima završavaju sa gumenom trakom širine 4,5cm, a ne 5cm kako je zahtjevano.
- Na zadnjem dijelu majice utisnut je naziv „VATROGASCI ZENICA“ čija su slova veličine 4,7cm, a ne 5cm kako je zahtjevano.
- Na uzorku cipela nalazi se 5 metalnih ringli za pertle, dok je zahtjevano specifikacijom da ih bude 4.
- Na radnom kombinezonu, na leđima nedostaje fluorescentni žuti natpis „VATROGASCI ZENICA“ koji je zahtjevan tehničkom specifikacijom.
- Dalje, vezena trakica nije opšivena zlatnom bojom kako je zahtjevano.
- Na uzorku uniforme nedostaju funkcionalne oznake kako su zahtjevane pod rednim brojem 10. u dijelu opisa robe.

Shodno navedenom uzorak ne ispunjava uslove propisane Aneksom 2 tenderske dokumentacije u dijelu opisa robe, stoga se ponuda odbacuje u skladu sa članom 68. stav 4) tačka i) Zakona o javnim nabavkama.

Ponuda ponuđača „ZENKO“ d.o.o. Zenica ispunjava uslove propisane tenderskom dokumentacijom.

Procijenjena vrijednost za predmetnu nabavku iznosi 38.460,00 KM bez PDV-a.

Ugovorni organ je izvršio izbor najpovoljnijeg ponuđača “ZENKO” d.o.o. Zenica na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-12109/22 od 02.06.2022. godine.

Procjena ponude i rangiranje, dati su u Zapisniku I Komisije, broj: 11-11-12109-9/22 od 18.07.2022. godine, a izvršeni su na osnovu Poslovnika o radu komisije, broj: 11-11-12109/22 od dana 03.06.2022. godine.

S obzirom da je za nabavku radnih vatrogasnih uniformi po provedenom otvorenom postupku, dostavljena samo jedna prihvatljiva ponuda, za isti se e-aukcija neće provesti shodno članu 3. stav 3) Pravilnika o uslovima i načinu provođenja e-aukcije i tenderskom dokumentacijom.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Iz navedenog Zapisnika ponuda je bodovana kako slijedi:

| R.B. | Naziv ponuđača | Cijena u KM bez PDV-a | Bodovi |
|------|--|-----------------------|--------|
| 1. | „ZENKO“ d.o.o. Zenica Lukovo Polje br. 40, 72 000 Zenica ID: 4218119800005 | 38.452,00 KM | 100 |

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH br. 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

- 3 x Ponuđači,
- 1 x Tenderska dokumentacija,
- 1 x Služba kabineta Gradonačelnika
- 1 x a/a

GRADONAČELNIK ZENICE


Fuad Kasumović

